

古尊宿語錄卷第三十四

多十

僧錄司右開教兼總持寺住持淨戒重校

龍門佛眼禪師語錄之六

師到禪床前立云山僧立地待你諸人搆去還搆得麼良久遂坐曰看見了也不易作個主宰不見古人喚僧云上坐僧回首古人云

多十

擔板漢正當恁麼時如何作個主宰免他喚作擔板漢此事也不易搆喚作業識忙忙不見為山問仰山盡大地人業識忙忙子如何辨仰山云某有個驗處為山云作麼生驗時有僧從面前過仰山云上座上座其僧回首仰山曰秋者個便是業識忙忙師云正當恁

永樂北藏

古尊宿語錄

麼時如何作個主宰免被他道業識忙忙去有般禪僧家強作主宰道待他喚時但莫應他便去應他作什麼你又不是木頭有底不然豎一拳下一咄喚作強作主宰且問你者裏喚時且從你豎拳下咄秋如前廊後架照顧不到忽然被人問著又如何秋對不可更下一咄豎一拳却須是實始得此事直是平等不論貴賤你看陳操尚書是個俗官一日與僚屬在樓上見教僧打包過有一官人云教員禪客操云未信在待與勘過僧行到樓前操喚云上座僧皆舉頭操顧謂僚屬云不信道當恁麼時如何作得主宰免被他勘破

第一九八冊

古人道檐板漢則且置袂如後來人又道者
僧喚既回頭因什麼却成檐板漢又作麼生
會佛法到此信知有深遠處頃久久淹浸不
可強作主宰久立師云大凡脩行須是
離念此个門中景是省力祇要離却情念明
得三界無法方解脩行離此外脩較似辛苦
不見古來有一持戒僧一生持戒忽因夜行
踏著一物作聲謂是一蝦蟇腹中有子無數
驚悔不已忽然睡著夢見數百蝦蟇來問索
命其僧深懷怖懼及至天曉觀之乃一老茄
耳其僧當下疑情頓息方知道三界無法始
解履踐脩行山僧問你諸人祇如夜間踏著

時為復是蝦蟇為復是老茄若是蝦蟇天曉
看是老茄若是老茄天未曉時又有蝦蟇索
命還斷得麼山僧試為諸人斷看蝦蟇情已
脫茄解尚猶存要得無茄解日午打黃昏久
立一日衆集師出來大眾前行兩匠長
噓一聲云山僧在你諸人肚裏走兩遭了也
還知麼非但多十今日如此當在你諸人肚裏走
來走去還知得麼喚作無瞞人之心實是如
此山僧盡知得你是好是惡所以道諸人知
履良遂恁知良遂知麼諸人不知良遂坐主
是个解義阿師却明得者个事不見一日去
見麻谷谷見來不管他自將鋤入菜園裏良

遜亦隨後去谷亦不顧便歸方丈閉却門他
於是定省精神忽然明得便道和尚莫瞞良
逐好你諸人如今還得恁麼也無也不易搆
更有百丈會下古靈和尚得法歸來接他受
業師非但古人今人亦有不見四五十年前
有茶陵郁和尚作山主時因廬山化士到言
詰問爲舉僧問法燈百尺竿頭如何進步燈
云恁由是每日叅詳至於喫粥喫飯時未嘗
離念一日因赴外請騎驢子過橋橋損陷驢
子脚倒不覺口中云噫忽然大悟乃有悟道
頌云我有明珠一顆久被諸塵封裏今朝塵
盡先生照破山河粉碎者个便是樣子喚作

實頭叅學今時人但恁麼學取若信言語解
會要明者个事明不得也將合頭語合者个
事合不得也須知有省悟之由若真實叅學
但恁麼看據現定會些子言句便休也在諸
人彼此行脚決擇生死大事不可據現定便
休去也須是與他古人相似自詩个省發處
始有真實叅學分久立多師云本有之性
因什麼不會佛法無多子祇要省徑也不教
滅除妄想遏捺身心閉目合眼便道是此事
不如斯也須看現定是何道理爲什麼却迷
去恁麼最是親切秋如老僧未說向你諸人
未曾聽時還有往來底分麼正當恁麼時切

忌強作道理上至諸佛下至一切搃皆如是所以聖與凡等邪與正等生死與涅槃等且問諸人過去毘婆尸佛迦葉佛古今三世是什麼人分上事十方有漏刹土是什麼人分上事山僧道貌是你三十年後悟去始知龍門老僧說來切不得道是若恁麼此名外道見解久立 師云如今被人問著道不得過在什麼處蓋為於無色處見色無聲處聞聲無道理處強作道理無主宰中強作主宰者裏消遣不下喚作瞽眼猶存空花亂墜何故執為心存在便道不得佛法無多子祇要平白地道得一句子便了且道作麼生是平

白地一句子昔有人問山僧祇向伊道兩句了也還會麼古人道佛祖言外邊事一一分明說了也祇是到者裏多是錯亂昏醉不省此若不見便是立地瞌睡漢子也諸人常在光明中開眼見了而不知教山僧怎生奈何久立 師云恁麼與你東舉西舉便道與你說禪纔轉脚時便作世諦流布將去你但念念在其中便有省發底分看來多祇在眼耳見聞覺觸處蹉過了須是不離分別心識取無分別心不離見聞識取無見聞底不是長連床上閉目合眼喚作無見須是即見處便有無見所以道居見聞之境而見聞不到

居思議之地而思議不及久立師云諸人上來要个什麼事須是當人自作活計莫聽他人說古人道我十八上便解作活計你諸人須是解自作活計始得你道作个什麼活計但莫別求如今人多愛動脚動手者個不解作活計了也喚作拋家散宅漂流去分明不會多十祇管尋討學些子知解記些子言句此喚作運糞入到者裏須是行李正當日久月深淹浸得熟便會去古人道一切處是你東去也是你西去也是你你是阿誰若云某甲者个是情識須是透得過始得昔日天親問無著兄往內院見彌勒說什麼法著云說

者个法且道者个是什麼法須是揀得出始得不要認著者个多是被者个一句子聯住了也所以說病為法是故名為可憐愍者久立師云莫謂如今說底是未是在若有個是便有个不是所以道一切言句皆不與此事相應直須相應去此事不在別人還得相契也未且契契阿誰若道契於古人古人已往若道契他善知識善知識與你無交涉所以諸聖慈悲告報教契自心源且道那箇是自契底心源若有心可契決然契不得須是以無心之心則契矣久立師云十二時中須有个契合處始得你豈不見靈雲一

見挑花便契合此事香嚴擊竹便乃息心去
人道若不契合此事則山河大地瞞你也燈
籠露柱欺你也如今四生六道浩浩地祇為
此事不明奉勸諸兄弟且先去却底緣你十
二時中思衣念食種種雜慮如燈焰相似未
有一時停歇但除緣緣所有微細自然淨盡
日久歲深自然會去也不著參嘆作息意忘
緣不與諸塵作對所以西來妙旨意在自明
龍門長老也無禪與人叅也無法與你商量
祇要諸人自契叅學門中唯以忘緣息慮為
要者不是從上宗旨祖不云乎以無念為宗
無相為體若祇一唱一拍有什麼了期久立

師云知道而心常淡泊順事而意識奔馳但
頭道富身貧情踈德厚山僧者裏日日恁麼
時時恁麼且道恁麼是什麼離却分別心識
意度言句外道將一句來此事無你解會處
如今但是心慮覺觀者皆有个解會得及乎
返窳已眼返思思慮之心為什麼人到者裏
不知便說道從本已來非青黃赤白無相無
狀我說向你道此喚作言語不是你本心本
心如何思量已眼如何得見正當返觀時亦
無能見之者有人去者裏一口吞盡慧眼豁
開頓達本鄉也今時人若為到無見無聞處
現定万法亘然見人見屋種種万象如湯滂

沸未有一時停住秋如作嬰兒時也聞聲也
見色秋是不解分別曉事未便采聽分別
自那時前後不披了也到者裏要人整理不
妨難為他得道人行時不見行坐時不見坐
所以如來道眼見色與盲等耳聞聲與響等
作麼生說如盲如響聞聲時無聲可聞見色
時無色可見所見所聞皆如響等又如夢時
見種種境界覺來還有許多般也無若有床
上杌是被與枕子若道無許多般又心中歷
歷地記得說得如今白日所見所聞亦復如
是所以道眼見耳聞底事經論可學唯有靈
臺作麼生學久立 師去擇迦老子在什

麼麼自去作麼作麼復去達磨大師在什麼
處自云秋在作麼生說秋在底道理也不妨
難明若於斯明得始知正法常住禪僧家多
分秋道那舉處便是你若身壞命盡時若病
說不得時又作麼生須是證入始得不見僧
問德山從上諸聖向什麼處去山云作麼作
麼莫是作麼便是訪聖麼你諸人若不持言
語會便落他殼響流布縱饒不替他殼響言
句便落他無言無說處此事實無你意解上
度若存一絲毫便成趣向於己疎也饒你將
玄機妙義去合他決定合不著若恁不思量
亦不可須是親證始得明見無疑矣久立

師云今時人參學錯學不出二種病一是一五蘊在宅無言無說無形無段湛然不動處便道任他佛祖出來我也執恁麼此是一病次認能言能語能聞運用施為行住坐臥者此亦是一病你還知道動是苦本風力所持麼若有人能離此二病解去體究者此人須有個省發時節若不如是亦無整頓處又有二種善知識為兩般學人方便苦口有一般學人自作道理自吐个消息進前退後豎拳合掌以為禪道善知識見他恁麼便苦口向伊道你錯會了也你無事硬認著作麼此是一種善知識又有一般學者去某甲不會不知

未審如何某甲並無個契入處是故善知識見伊恁麼了便向伊道你無事用求會求入作麼此亦是一種善知識前後兩般學者若聞善知識恁麼道善能回光體究必然明得若祇管道不會是自生退屈任是一千年也祇恁麼幸在其中更道不會求契合有什麼了日要會麼須是不立限量直下攝取始得又立多字師云今夜與你諸人說個譬喻恰似諸人有個眼能照見一切長短方圓等象為什麼却不自見但識取長短方圓等象若要見眼則不可你心亦如是其光照賜通徹十方包容万有為什麼却不自知要會麼但

識取照觸等事若見心則不可也古人道刀不自割指不自觸心不自知眼不自見則真實矣又立師云諸人許多時在此立地還見一人真善知識麼不可空立去也山僧祇喚作假長老先聖所以道但以假名字引導於衆生佛是西天老比丘不勞仁者分別取相何者是釋迦老人阿那个是達磨大師祖師未來此時還有佛法麼作麼道無得若道無祇成自瞞在少林面壁時還有許多言教公案麼恁麼覷得破多少省徑你不上來時山僧亦不見你上座亦不見山僧你不見我我不見你如何辨明若明得復有何事佛

未出世時也恁麼佛出世後也恁麼佛滅度後也恁麼若到恁麼田地實無一星事你諸人行住坐臥飢食渴飲怎生說個無事除非見到底人方解如是昔大迦葉在靈山會上禮佛見彼大衆儼然便有个見處道今此諸大衆如本未曾有你道此意如何諸人適來在下頭不見有許多人及乎上來分明見有許多入怎生說个如本未曾有老宿問僧近離什麼處云城中宿云如今在什麼處云山中宿云我有一間問你若道得即住若道不得即去上座離城中城中少上座上座到山中山中剎上座城中若無上座則心法不周

山中刺上座則心外有法僧無語諸人苟能
於此處得所謂不落斷常二見六根怡然
行住寐默一念不生万緣俱息如忽不然隨
有隨無落斷落常譬如捨父逃走者裏寧
是不教你費一絲毫力便恁麼會取你若
和合者事教無縫罅時早已離披了也山僧
多十
往日思惟此事將謂三生兩生始可得悟去
後來祇聞什麼人打發什麼人有見處便覺
今人也解悟得時寒省緣辯道明究已躬此
是小事久立 師云若有人問你作麼生
道還道得麼你等思量管帶道得一句子來
有什麼用處三更半夜作麼生道天明起來

作麼生道前廊後架作麼生道還道得麼須
是眼明始得久立師云適來侍者報道雨不
住若衆時恐大衆不聞如今雨住諸人還聞
麼山僧道雨不住時最親切何故却為諸人
無來聽底心祇如諸方示人道雨教為你說
法了也還端的也無山僧即不然雨教是你
說法了也還會得麼直下明得更有什麼一
絲毫頭子也今時付脚人須待特一句子契
他善知識恁麼自苦自屈作什麼我更問你
契那個善知識若要契他善知識意但識取
你心我更問你那個是你心作麼生識向者
裏強會不得須是一回省發乃可古人不得

已向無言詮處假立言詮無方便中巧施方便
便玄沙一日入山逢虎侍者報云和尚虎玄
沙云是你虎現今山河相對剎土縱橫分別
思惟千差万別怎生說个是你底道理者裏
若不一切處礙塞殺人祇為諸人麼割脩
塵為物所轉你試指出那個是物何者是你
所以有僧問玄沙學人乍入叢林乞師指箇
入路沙云還聞偃溪水聲麼云聞沙云從者
裏入今時人不明了祇管道心性周徧更是
誰聞如此言論有何交涉直須是通身赤條
條地不掛寸絲始得且問諸人還著衣來麼
良久云得恁麼不識羞耻久立 師云纔作

道理便難會去須是不作道理始得有般聞
恁麼說了便道我都無言說亦無道理却不
知正是道理了也如今與你斷約一件事以
明見自心為極則此一句便是龍門山裏佛
法也古人道心不自知心不自見諸人作麼
生明見去自心也難見從上諸聖皆是明見
自心底人先師便是明見自心底人祇如先
師會中有多少方來兄弟能有幾人明見自
心極是少也心不見心須是不見是心始得
此乃離念境界如今若與諸人說便道貶剥
諸方若不說此事亦難明曉有般宗師向人
道癡漢者一段事你因何不會先將自心做

个窠曰然後將心去取證喚作釘椿了遮椿走便恁麼流傳去便恁麼承當去敲床堅拂用將去喚作將心用心又有般宗師向人道莫作計較道理開口便沒交涉了與他不相應也去空劫已前認取都無言說一似坐个氣毬相似有甚安樂處又似蝦蟇努氣相似你作恁麼見解面前一似黑霧罩定了也山僧至誠相勸不是妄說不是作道理籠罩人不肯人壓良人山僧都無如是道理若或你祇麼認將去也由你若道我也如此見得也由你若道據我見處揔得也由你若道某心下未穩在也由你須是不自欺始得世間多

少宗師說禪說道為自欺不自欺為欺人不欺人須是子細山僧昔日在先師會裏受廬刑化士行至熨斗寺前值泥雨忽然滑倒心中煩惱自言我行脚禪又叅不得自早至今飯又未喫更恁麼受辛苦聞有兩人相罵道你猶自煩惱在山僧聞得忽然歡喜却尋不煩惱處不得蓋為打疑情不破後來四五年方知得如今兄弟須是如此用心照顧始得今夏舉無情說法因緣祇是錯會者多你見無情便說無情若見有情便喚作有情你叅禪人不明無情說法如何了得行脚事做善知識不會無情說法如何接物利生相勸諸

人子細窮究今悟去如未有領覽處且緩緩
參取不要忙久立 師云先師常說个譬喻
如外國有二人來大朝探事初入界時兩人
商量了各自回首一人東去一人西去從一
州至一州從一縣至一縣行來行去忽然到
東京城裏兩人在朝門前相撞著因者个觀
那個那個觀者个並無言從前許多商量本
國中事歷歷地分明挨有便過無人知得奇
怪諸人且道恁麼撞著時如何恰似禪和家
做功夫相似今日體得此个明日究得此个
窮來窮去一日現前全似朝門撞著一般喚
作打發須得恁麼一回始得方謂之行脚事

辨又如失鄉多年或鬧市中逢見老爺相似
便乃識得無疑亦不須問人是爺不是爺兄
弟但恁麼管帶莫為等閒時不待人祖師道
先陰莫虛度各自宜努力久立 師云古
人道鍾中無鼓響鼓中無鍾聲今時學者那
裏得到者般田地有時入室見兄弟下一轉
語及乎更與一投便祇管主張道適來已祇
對了也不可別有也多少分明恁麼做功夫
有甚巴鼻癡漢豈不見先聖道言言見諦句
句歸宗你未會了祇管胡亂主張今後入室
不要如此乍可道不會却受整理久立
師云稱禪客須是信人說話始得若不信了

教人千說萬說亦無用處呵呵不信了祇管聽人說爭名禪客夫禪客者風塵草動時悉皆曉會朕我未生未落思量意路未動時便識取方名禪客何故者般事用敵生死也須是个不爭多底漢始得不見雲岩叅百丈二十年不明此事道吾為他直得咬斷指頭你看他古人雖不明亦不憂道我不會心亦不休亦不馳求言句又如雪峯和尚三到投子九上洞山在投子時一日揭簾入菴投子見來便下禪床立峯擬議子便托出峯直得哭後來到洞山又理會不得乃到德山問德上諸聖學人還有分也無山打一棒云道什麼

峯當下如桶底脫相似及至鰲山尚云有疑在看他古人直以疑團子破也方始休便道事已了意亦休此个元來觸處周今時兄弟叅請多是依言起解亂作主宰不然將古人悟處喚作因緣去那裏看喚作過話有什麼交涉祇如雪峯三上投子九上洞山豈為言語兄弟直須退步體究如何退步且不是教你長連床上閉眼坐硬捺身心如土木相似百千萬劫也無用處若要退步時你有不會底語言不了底因緣便頓在面前退步自看因什麼不會去良久曰僧家道思量也不得不思量也不得却教人如何看我向你道但

退步看良久又長喏云好悶殺人好難會祇
你那悶殺人是什麼悶殺人是誰你恁麼退
步來看漸漸惺也一日光明一日漸見廣大
又不得一向去者裏認了便道是了當也便
是挂定殺了也濟甚事湏是著些智慧來觀
看古人許你管帶一路若如是休歇退步管
多十
取有個道理此是為都不會無所知者又有
般胡說亂說如何若何底漢你但亦退步看
你那胡說亂說底是什麼但恁麼回光返照
看方是若一向如此做功夫畢竟亦有悟期
若不相信也無可奈何山僧初參勝和尚教
看如何是佛法大意楚王城畔汝水東流又

令看風幡話及至下來參老和尚乃請問古
人聲色純真老和尚千說萬說祇是理會不
得後來又令看如何是奇特事云你道什麼
遂却喜歡蓋為有個撮摸處遂常看云如何
是奇特事云你道什麼獨自思量云戒道什
麼來戒道奇特事又不見有奇特處看三年
不會遂去游浙中途回來却令看殺父殺母
佛前懺悔殺佛殺祖向什麼處懺悔雲門道
露者公案一似熱鐵一團在心中七年喫盡
辛苦累中父叅方知更與你說晦堂初參禪
時自桂府來先見雲峯悅和尚三年不會他
說話又叅南禪師二年不會却過去山主院

裏過夏因看傳燈錄僧問多福如何是多福
一叢竹福云一莖兩莖斜暎堂遂開悟今時
人祇喚作問答語盖用功不子細不曉古人
方便山僧相勸兄弟既在林下各自學道勿
空過時以悟為則久立師云親近善友
先聖叮嚀付囑也今時學者須是依佛祖之

多十

十三

言尋師決擇始得若不恁麼何名學者若要
明此事須是起疑參究你若深疑此事便是
般若智現前何故行脚事只要疑情息你若
不起疑爭得疑情息不見先師三十五方落
髮便在成都聽習唯識百法因聞說菩薩入
見道時智與理冥境與神會不分能證所證

外道既難既不分能所證却以何為證時無
能對者不鳴鍾鼓返披袈裟後來唐三藏至
彼救此義云智與理冥境與神會時如人飲
水冷暖自知遂自思惟冷暖則可矣作麼生
是自知底事無不深疑因問講師不知自知
之理如何講師不能對乃云座主要明此理
我却說不到南方有傳佛心宗尊宿却知此
事汝須行脚始得先師便行脚遊京師兩浙
凡是尊宿便問此事無不對者也有說底也
有下語底只是疑情不破後來浮渡山見圓
鑑看他陞堂入室所說者盡皆說著心下事
遂住一年令看如來有密語迦葉不覆藏之

語一日云子何不早來吾年老矣可往叅白雲端和尚先師到白雲一日上法堂便大悟如來有密語迦葉不覆藏果然果然智與理冥境與神會如人飲水冷暖自知誠我是言也乃有投機頌云山前一片閑田地叉手叮呼問祖翁幾度賣來還自買為伶松竹引清風端和尚覷了點頭諸人此豈不是深疑了親近善知識然後明得只如先師行腳叅善知識後來却道問祖翁是如何自賣了却自買是如何須知無有刺也古人道恁是你又道我未嘗有一句子到你若有一句子到你堪作什麼諸人要疑情破麼亦須是似先師

永樂北藏

古尊宿語錄

一回始得久立師云你但看馬大師見僧下塔乃召云大德僧回首大師云從生至老只是者漢回頭轉腦作什麼共僧言下領旨此理如何從生至老只是者漢你道是那个漢你總起心要見者漢時便不見者漢者漢難見千難萬難今時人只道是者个漢更多十四是阿誰不可別有也一百个中有九十九个如是會有甚巴鼻若恁麼如何明得從生至老底事如何便見得只是者漢你若不見者漢四大五蘊恁未知下落處且如只今說法聽法是有說聽是無說聽若道你立我坐我說你聽三家村裏人也解恁麼道焉敢稱禪

第一九八冊

客若謂無聽無說又道徒生至老只是者漢所以到此須是求一个了達底人決擇山僧向前未明得時恁不奈何了便請益先師終問者時先師只道我不會我不知我不如你又問禪畢竟是易參難參只向我道你無事問難問易作麼參禪喚作金屎法未會一似金會了一似屎山僧甚不肯此語如今思量了語雖龐其間旨趣不淺此盡是了達之士發一言半句皆不虛也凡為人時皆不胡亂指示亦不乱許人今時有諸方知識有時說得是有時說得無巴鼻此理如何蓋為他亦未了達有時許人道是有時却道不是若如

此爭明得從生至老只是者漢子細看來今時人也只是舊時人今時作用也只是舊時作用千變萬化也只是要你者裏自肯一肯方始得了當今時人不了當者只是不解決擇如何是不解決擇麼只是將古人言句作解會將自己來錐鑽只是如此到弥勒下生也不多會何故向你道回頭轉腦便不是了也向者裏省力處更不用如何若何直下明取你諸人先將道理近前用古人言句自纏縛一似淨淨潔潔一片地却將一手土撒在上面相似山僧前日入室垂示道你如今到者裏不可也似適來相似須有个會處始得

有者道適來也只恁麼如今也只恁麼你先走入情識裏了爭恁得你古人多少慈悲向你道行是佛行坐是佛坐一切法皆是佛法一切聲皆是佛聲你錯會了便道一切聲真个是佛聲一切色真个是佛色既不許如此會却如何即是向你道總涉昧兆時早支離了也欲將智照顯他時早昏暗了也如今但莫取戒口各自由你做功夫看古人因緣亦得靜坐亦得一切處觀察亦得皆是你做功夫處一切處是你證入處但一處精專日來月往須被你打發去不見古靈和尚行脚歸其師問云汝離吾行脚得何事業曰某見百

丈得个安樂處遂舉百丈頌云靈光獨耀迥脫根塵體露真常不拘文字心性無染本自圓成但離妄緣即如如佛其師於言下省悟又雪峰和尚見風吹竿葉動遂指似僧僧云某甲甚生怕怖峯咄云是你屋裏事怕作什麼其僧亦有省既一時是你屋裏事為什麼却不曾蓋為你隨處流浪不常在家但如今對善知識時莫教忘却喚作順理而行就已知歸復云役生至老只是者漢回頭轉腦作什麼各自看取久立 師云如今明得了向前明不得底在什麼處如今明不得到幾時明得去只恁麼翻覆體究也須會去所以

道向前迷底便是即今悟底即今悟底便是
向前迷底若言從前迷即今悟也又言明來
暗謝智起惑忘恁麼還得麼那裏得如此則
有暗可滅有惑可除不見古人道不改舊時
人只改舊時行履處你禪和家道有什麼難
迷也只是者漢悟也只是者漢不可別有及

多十

十六

乎問著他那个是者漢便去不得不然胡說
蓋緣未曾諦當證入此是諸人入骨髓底病
謬底漢便認著一生休非但一生千生萬生
亦秋休去若是靈利底他須解體究那个是
者漢直求入路慶師乃噯一聲今時佛法淡
泊衆中也難得人諸人既在龍門學道不可

空過十二時管帶搆取覩見諸人也似不爭
多你不見臨際和尚道赤肉團上有一無位
真人常從汝等諸人面門出入未證據者看
時有僧出問如何是無位真人際下禪床把
住曰道道僧擬議際便拓開又道汝眼放光
照破山河也古人多少慈悲如今人不以為
事須是尋人決擇你不見崑頭雪峯欽山去
見臨際路上逢定上座頭問什麼處來定云
臨際來頭云和尚萬福定云和尚已遷化也
頭云某等特去礼拜又值和尚遷化不知和
尚有何言句請上座舉一兩則定遂舉臨際
上堂亦衆云赤肉團上有一無位真人常從

汝等諸人面門出入未證據者看看時有僧問如何是無位真人際下禪床擒住云道道僧擬議際便托開云無位真人是什麼乾屎橛便歸方丈崑頤不覺吐舌欽山云何不道赤肉團上非無位真人寔便擒住云且道無位真人與非無位真人相去多少速道速道

多十

十七

有人叅麼子擲下鋤頭峯云恁麼則當處掘也子云不快添桶他道當處掘尚做添桶又有南際長老見雪峯語論無不相契峯令見玄沙沙問古人道此事唯我能知長老作麼生會際云須知有不求知者沙云山頭老漢喫許多辛苦作麼你道此理如何又先師在海會端和尚會中時端和尚舉古人道如鏡鑄像像成後鏡光向什麼處去會中有頭角兄弟下語皆不契端和尚云須是道者子始得先師時作街坊却從外歸端和尚舉前話問之先師近前問訊云也不爭多端和尚撫掌大笑人皆謂摩拏他教做化主什麼說話

山僧此中只要學道如要學道十二時中須
是先去却無明人我何故人我乃庸人之事
先師一生無人我山僧在他身畔作侍者見
多少不曾有一念煩惱曾說舊時有个上座
在海會做知客先師因送一个長老住四面
乃率知客相送不知如何者上座便劈面唾
先師你是甚人却教我送他惡言不止先師
遂休然無人知得後來仍來太平先師請伊
知藏又做首座復自求作監院亦從之及先
師住海會乃舉住太平知州不肯又惡罵謂
不主張他先師方出言道者漢兩度罵我也
以此見伊無人我今人總有些言語便要理

會如此作麼生學道有時見初機兄弟入室
祇是爭山僧覷他了也不奈何一似村裏人
把匾檐共上將軍聞我者裏七事隨身手中
是闕羽八十觔刀他便把匾檐劈頭打一棒
見人不動又連打數下去我不是怕他蓋不
是對手呵呵勸諸人不要覷心日夜行持做
个向上人第十縱然不悟亦是高上之士切須用
心久立上人師云你緣認著道是便被縛脚縛
手更動轉不得也則被你一認認了縱有千
般亦不是也你若不認著却有个教處譬如
造得一隻船上面一一裝載了要千里外至
乎寶所總動手你先自釘下椿繫却船了却

用力搖櫓你搖到弥勒下生也只在岸邊你見船東斂西斂將謂是轉動又何曾離得一步來又似磨茶漢子從早至夜團團旋轉極是好笑若眼目不分明底見你認著向你道是也被明眼人覷見點檢出來多少露拴索如今多分祇用个如今底道捻離如今不得祇被恁麼地釘下椿叅學不得旨趣一時把來錯會了做个主宰不知佛法不恁麼會不見麻谷持錫見章敬谷振錫一下卓然而立敬曰是是又見南泉亦如前泉曰不是不是谷曰章敬道是和尚何得道不是泉曰章敬則是是汝不是此是風力所轉終歸敗壞谷

方省過你諸人看幾錯會一生爭得不就人決擇山僧初行脚時見先師偈句便信道此人似古聖說底事必有實證處便十年間叅扣先師頃道學道先須得旨歸聞聲見色不思議若憑言語論高下一似從前未悟時又曰空門有路人皆到到者方知旨趣長心地

第十

十九

不生開草木自然身放白毫光我後生時雖造道未得心中知此非常句也祇如聞聲見色皆可思議又何緣得不思議及乎論个證厥却云一似未悟時未悟時皆可思議如何見个證處此人得無所得至究竟地方解如此我後來十年外始領他事大凡行脚學道

衆尋莫凝坐就人決擇此法難了喚作隔宿
不問道着得了便別也昨日也喫粥喫飯今
日也喫粥喫飯豈昔人耶別也 不同也趙州
向人道喫粥了也未曰喫粥了也州曰洗鉢
盂去便是別也吾豈常人也 你道何處是別
處久立

禪

古尊宿語錄卷第三十四

多十

禪

禪

禪